

mitti. Timore verò Domini firmari. Quia per timorem Domini firmiter *fens. Bel-*
 ac perseveranter homo stat, atque virtutibus ornatur. Est enim hominis *larm. c. 6.*
 custos Domini timor. Nam sine eo cum virtutum ædificium, tum vel maxi-
 me conscientia pax subvertitur. Juxta illud. *Si non in timore Domini tenueris*
te instanter: citò subvertetur domus tua. Post proverbiorum autoritate gra-
 tia certitudo stabilis atque immobilis manet. Quia ibi loquitur Spiritus
 Sanctus de peccatoribus, in peccato perseverantibus: quibus nec nos gratia
 certitudinem promittimus. Dicimus enim peccatorem pœnitentem, dolen-
 tem, gementem atque in firmo proposito de cætero non peccandi perseveran-
 tem esse certum de gratia Dei, certitudine fidei: Eique esse remissa peccata.
 Quod & Hugo Cardinalis jam dudum ante Lutherum docuit. Ita enim scri-
 bit respondens ad objectionem suam. *Dicimus quod quilibet dignè pœnitens*
& infirmo proposito non peccandi de cætero persistens: si diceret mundum est cor me-
um: verum diceret, licet multa peccata perpetraverit: quia uti dicit Beda super Lu-
cam capite quarto. Super illud, & statim demisit eam febris. Et super Marcum
capite primo idem dicit Glossa. Ubi etiam loquitur de Socru Simonis: Pius DEUS
piè pœnitentibus, aut non intellecta intelligere facit, aut non intellecta condonat. Un-
de & Glossa hic dicit: non dicit Salomon, quis habet mundum cor: quia dicitur Matth.
quinto: Beati mundo corde. Et Psalmus, quis ascendet in montem Domini, & c.
 Postea dicit: *Innocens manibus & mundo corde.* Reliquis deniq; testimoniis al-
 legatis, & allegandis, aut docetur desperatio de justitia propria, & dignitate
 operum: aut timor filialis agnoscens Dei judicium atque vindictam adver-
 sus peccata: Ac injungitur pia sollicitudo de cavendis lapsibus contra conscien-
 tiam: dubitatio verò nequaquam. Ita est teste doctorum aquila Augusti-
 no quædam illorum testimoniorum exponente. Ait enim ibi: *videbunt justii*
& timebunt. Quare timeamus? quia dixit Apostolus: in timore & tremore vestram
ipforum operamini salutem. Quia dictum est in Psalmo: Servite Domino in timore,
& exultate ei cum tremore. Quare cum timore? quia propter hoc, quod ait Apo-
stolus: qui se putat stare, videat, ne cadat. Quare cum tremore? quia dicit alibi:
fratres, si preoccupatus fuerit homo in aliqua delicto: vos, qui spirituales estis, in-
struite hujusmodi in spiritu lenitatis: intendens te ipsum, ne & tu tenteris. Ergò
justi qui sunt modò: qui vivunt ex fide: sic vident ipsum Deum quid illi eventurum sit:
ut tamen timeant & sibi. Quid enim sunt hodiè, sciunt: quid cras futuri sint, ne-
sciunt.

Hæc cum ita sint (Sapientissimi Auditores) timeamus, & caveamus: ne
 in peccata contra conscientiam cadamus. Veruntamen de gratia certitudine
 nequaquam dubitemus. Quia Deus hanc promisit, Filius Dei juravit, Spiri-
 tum Sanctum misit, quo & corda nostra obsignavit. Maxima hæc quidem sunt
 pignora. Non ea dimittet ille sempiternus sponsus pignora. Tum demum
 Sanctorum Patriarcharum exemplo hanc ipsam comprobavit. Non ergò ob-
 liviscamur quæso tantum Deum promittentem, & cogitemus in nobis dubi-
 tationem Deo recedentem. *Nam si Deus pro nobis, quis contra nos? quis accu-*
sabit adversus electos Dei? fragilitas carnis? afflictio corporis? anxietas men-
tis? apparatus mortis? Mors ipsa? Peccata præterita? Metus futurorum? Dra-
conis occultæ insidiæ? Diaboli inferorumq; horrenda monstra? inferni ipsi-
us supplicia? Nequaquam. Quia Deus justificat: quis est, qui condemnet: ne-
mo. Quapropter labefactet caro: premat corpus: Torqueat mentis cogita-
tio. Subnascantur querelæ, curæ, diffidentia, desperationes. Instet mors,
 D circudent